



Broj: 02-05-18444-1/13

Sarajevo, 27.06.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **26.** sjednici održanoj 27.06.2013. godine, donijela je sljedeći

Z A K L J U Č A K

1. Utvrđuje se Prijedlog zakona o izmjenama i dopunama Zakona o Vladi Kantona Sarajevo.
2. Predlaže se Skupštini Kantona Sarajevo da, doneše Zakon iz tačke 1. ovog Zaključka, u skladu sa članom 145. Poslovnika Skupštine Kantona Sarajevo ("Službene novine Kantona Sarajevo", broj 41/12- Drugi novi prečišćeni tekst i broj 15/13).

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
Kanton Sarajevo
VLADA

ZAKON

O IZMJENAMA I DOPUNAMA ZAKONA O VLADI KANTONA SARAJEVO

(PRIJEDLOG)

Nositelj izrade
Ministarstvo pravde i uprave

Sarajevo, juni 2013. godine

Na osnovu člana 18. tačka b) i člana 30. stav 1. Ustava Kantona Sarajevo („Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____ 2013. godine, donijela je

(PRIJEDLOG)

ZAKON

O IZMJENAMA I DOPUNAMA ZAKONA O VLADI KANTONA SARAJEVO

Član 1.

U Zakonu o Vladi Kantona Sarajevo („Službene novine Kantona Sarajevo“ broj 24/03 – Prečišćeni tekst), u članu 5. iza riječi: „sjednice;“ dodaju se riječi: „dostavljanje i forma materijala za razmatranje, utvrđivanje prijedloga zaključaka i drugih akata;“.

Član 2.

U članu 8. stav 3. riječ „premijer“ zamjenjuje se riječima: „kandidat za premijera..“

Iza stava 3. dodaju se novi st. 4. i 5., koji glase:

„S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviće se u roku od 30 dana od dana imenovanja kandidata za premijera.“

Član 3.

Iza člana 8. dodaju se čl. 8a. i 8b., koji glase:

„Član 8a.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 8b.

U slučaju kad Skupština izglaša nepovjerenje Vladu, premijer i članovi Vlade podnose pismenu ostavku, najkasnije u roku od sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja neophodne aktivnosti u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladu.”

Član 4.

Iza člana 9. dodaju se novi čl. 9a. i 9b. koji glase:

“Član 9a.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici, bez rasprave.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 9b.

Ako Skupština Kantona prihvati ostavku premijera, premijer i Vlada će obavljati neophodne poslove do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici, bez rasprave.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.”

Član 5.

U članu 11. stav 2. na kraju teksta tačka se briše i dodaju riječi: „i davanja svečane izjave“.

Član 6.

U članu 12. stav 1. riječi: „na prijedlog premijera“ zamjenjuju se riječima: „u skladu sa zakonom kojim se reguliše državna služba.“.

Član 7.

Iza člana 29. dodaje se član 29a. koji glasi:

“Član 29a.

Vlada Kantona Sarajevo dužna je uskladiti Poslovnik o radu sa odredbama ovog zakona, u roku od 30 dana od dana njegovog stupanja na snagu.”

Član 8.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 9.

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: _____

PREDSJEDAVAJUĆA

Sarajevo, _____

SKUPŠTINE KANTONA SARAJEVO

prof. dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo kojim je utvrđena nadležnost Skupštine Kantona Sarajevo za donošenje zakona i drugih propisa u okviru izvršavanja nadležnosti Kantona, te člana 30. stav 1. Ustava Kantona Sarajevo kojim je propisana nadležnost Skupštine Kantona Sarajevo da utvrđuje organizaciju Vlade Kantona Sarajevo.

RAZLOZI DONOŠENJA

Potreba za donošenjem Zakona o izmjenama i dopunama Zakona o Vladi Kantona Sarajevo javila se radi prevazilaženja pravne praznine nastale u situaciji kada mjesto premijera, odnosno člana Vlade, ostane upražnjeno, kako u pogledu roka za imenovanje novog premijera, odnosno člana Vlade, tako i u utvrđivanju obaveze sekretara ministarstva da prisustvuje sjednicama Vlade kada se razmatraju materijali ministarstva, obavljanja funkcije ministra-rukovodioca ministarstva, kao i nastavka rada dosadašnjih ministara, u slučaju kad mjesto premijera ostane upražnjeno, do potvrđivanja imenovanja Vlade u novom sazivu. Također su regulisana pitanja podnošenja i stupanja na snagu ostavke Vlade u slučaju kad joj Skupština izglosa nepovjerenje, funkcionisanja Vlade u ostavci, te funkcionisanje Vlade u slučaju ostavke premijera, odnosno pojedinih članova Vlade.

U odnosu na tekst nacrtak zakona, u prijedlogu je izmjenjen član 2. Zakona, kojim se mijenja i dopunjene član 8. Zakona, na način da se uskladjuje procedura izbora kandidata za premijera u slučaju da mjesto premijera ostane upražnjeno. Također, dodaju se stavovi 4. i 5. kojima je regulisan status članova Vlade, kao i obaveza obavljanja funkcije člana Vlade i ministara ministarstava do potvrđivanja imenovanja Vlade u novom sazivu te i rok do kada će se obaviti potvrđivanje Vlade u novom sazivu.

Takođe, ovaj prijedlog sadrži novu odredbu u članu 8a. koji se dodaje, čime se otklanjaju nejasnoće na koje je sugerisano predlagajući pri upućivanju nacrtak zakona u javnu raspravu, a odnosi se da ministar koji obavlja funkciju odsutnog ministra i kojeg imenuje premijer, ne obavlja i funkciju člana Vlade umjesto odsutnog ministra. Na ovaj način je otklonjena nejasnoća koja se mogla pojaviti prilikom glasanja u pogledu prava glasa ministra koji zamjenjuje odsutnog ministra, u smislu da li on ima pravo dva puta glasati. Decidno je određeno da ministar ne vrši funkciju i člana Vlade umjesto odsutnog ministra.

Nadalje, u članu 8b. koji se dodaje u prijedlogu zakona, briše se stav 3. Naime, kako je Ustavni sud Federacije BiH dao mišljenje, koje je objavljeno u "Službenim novinama FBiH" broj 37/13, a se tiče ograničavanja i prenosa nadležnosti izvršne vlasti na zakonodavnu, predlagajući stava da je član 8b. stav 3. u suprotnosti sa članom 29. stav 1. tačke e) i i) Ustava Kantona Sarajevo. Predloženom odredbom bi se direktno izvršilo ograničavanje izvršne vlasti, u ovom slučaju premijera, da vrši svoje Ustavom utvrđene ovlasti koje se odnose na "zaključivanje ugovora i drugih akata kojima se preuzimaju prava i obaveze za Kanton" (čl. 29. st.1 tačka e)), pa tako i finansijske obaveze, te i „druga pitanja utvrđena ovim Ustavnom i zakonima“ (čl. 29. st.1 tačka i)). Zbog svega navedenog, predlagajući stava da se u članu 8b. stav 3. briše.

Ovaj prijedlog zakona, u odnosu na tekst nacrtak ne sadrži odredbe o povećanju kvoruma za sazivanje sjednica Vlade, iz razloga izričite ustavne odredbe da „sve odluke vlade donose se prostom većinom glasova prisutnih koji glasaju“, te se član 7. briše, a dosadašnji čl. 8., 9. i 10. postaju čl. 7., 8. i 9.

Prijedlog Zakona je pripremljen nakon provedene javne rasprave. Izvještaj o javnoj raspravi je dostavljen u prilogu, a prijedlozi i sugestije koje su prihvачene ugrađene su u tekst prijedloga Zakona.

PRAVNA RJEŠENJA

Član 1. – U članu 5. dopunjaju se postojeće odredbe koje se odnose na Poslovnik o radu, čime se proširuje materija koja se uređuje Poslovnikom.

Član 2. – Mijenja se i dopunjuje član 8. stav 3. na način da usklađuje sa Ustavom Kantona Sarajevo procedura izbora kandidata za premijera u slučaju da mjesto premijera ostane upražnjeno. Također, dodaju se stavovi 4. i 5. kojima je regulisan status članova Vlade kao i obaveza obavljanja funkcije člana Vlade i ministara ministarstava do potvrđivanja imenovanja Vlade u novom sazivu te i rok do kada će se obaviti potvrđivanje Vlade u novom sazivu.

Član 3. – Novim odredbama čl. 8a. i 8b. reguliše se rad Vlade, odnosno ministarstava i rukovođenje ministarstvom u slučaju spriječenosti člana Vlade duže od 30 dana, odnosno kad mjesto člana Vlade ostane upražnjeno, kao i rok za imenovanje novog člana Vlade, odnosno rok za podnošenje ostavke i stupanje na snagu ostavke Vlade u slučaju izglasavanja nepovjerenja, rad Vlade u ostavci i rok za imenovanje nove Vlade.

Član 4. – Novim odredbama čl. 9a. i 9b. reguliše se mogućnost podnošenja ostavke premijera i članova Vlade, način i postupak podnošenja ostavke premijera i pojedinačne ostavke člana Vlade, kao i način prihvatanja i potvrđivanja ostavke.

Član 5. – Dopuna člana 11.stav 2. Zakona izvršena je radi usaglašavanja sa članom 27. Ustava Kantona Sarajevo, izmijenjenog Amandmanom XXIX („Službene novine Kantona Sarajevo“, broj 28/04).

Član 6. – Izmjene člana 12. stav 1. predstavljaju usklađivanje sa Zakonom o državnoj službi u Federaciji BiH, kojim je propisan način imenovanja rukovodećih državnih službenika.

Član 7. – Dodaje se novi član 29a. kojim se Vlada obavezuje da uskladi Poslovnik o radu nakon stupanja na snagu Zakona.

Član 8. – Ovim članom ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 9. – Utvrđuje se rok za stupanje na snagu ovog zakona.

FINANSIJSKA SREDSTVA

Za provođenje ovog zakona nije potrebno obezbjediti finansijska sredstva u Budžetu Kantona Sarajevo.

IZVJEŠTAJ O PROVEDENOJ JAVNOJ RASPRAVI

O NACRTU ZAKONA O IZMJENAMA I DOPUNAMA ZAKONA O VLADI KANTONA SARAJEVO

Skupština Kantona Sarajevo je, dana 04.04.2013.godine, uputila nacrt Zakona o izmjenama i dopunama Zakona o Vladi Kantona Sarajevo u javnu raspravu u trajanju od 30 dana. Nacrt je bio dostavljen svim kantonalnim organima, jedinicama lokalne samouprave, naučnim i stručnim ustanovama.

Nakon proteka ostavljenog roka Ministarstvo pravde i uprave pripremilo je prijedlog Zakona za narednu sjednicu Vlade Kantona Sarajevo.

Primjedbe, prijedloge i sugestije dostavili su pismeno:

8. Općina Novo Sarajevo, dopisom broj 02-05-266/13 od 29.04.2013. godine;
9. Ministarstvo zdravstva, dopisom broj 10-02-7996/13 od 07.05.2013. godine;
10. Grad Sarajevo, dopisom broj 01-02-1703-1/13 od 30.04.2013. godine;

Pismene primjedbe, prijedlozi su dati u prilogu Izvještaja, a sadrže obrazloženje koje se ne ponavlja u Izvještaju.

Izvještaj sadrži sistematizovane primjedbe koje se odnose na pojedine članove Zakona, a date su od različitih učesnika u konsultacijama.

PRIMJEDBE, PRIJEDLOZI I SUGESTIJE

Ministarstvo zdravstva je svojim dopisom broj 10-02-7996/13 od 07.05.2013. godine, navelo da nema primjedbi, prijedloga i sugestija na nacrt Zakona.

Grad Sarajevo je svojim dopisom broj 01-02-1703-1/13 od 30.04.2013. godine, obavjestio da nema prijedbi, prijedloga niti sugestija na nacrt Zakona.

Pojedinačne primjedbe

Član 8a. (Član 3. prijeloga Zakona)

- Općina Novo Sarajevo:** Predlaže da se u stavu 1. člana 8a. koji se dodaje brišu riječi na kraju „bez prava glasa“ i dodaju riječi „sa istim ovlastima koje ima član Vlade koji je privremeno spriječen da prisustvuje sjednici u periodu dok ga mijenja“.

Stav predлагаča:

Prijedlog se ne prihvata. Saglasno Ustavu Federacije BiH (član V.3.8.(2)) i Ustavu Kantona Sarajevo (član 27. stav 2.), ministri nemaju zamjenike, dok je Ustavom Federacije BiH (član V.3.9.f) i Ustavom Kantona Sarajevo (član 27. stav 6.) propisano da se sve odluke Vlade donose prostom većinom glasova prisutnih koji glasaju.

Na osnovu navedenog, ne postoji ustavno uporište za prihvatanje navedene primjedbe.



EKONOMSKO SOCIJALNO VIJEĆE KANTONA SARAJEVO

- 4 - 06 - 2013

Ul. Reisa Džamaludina Čauševića br. 1, 71000 Sarajevo, BiH
Telefon/fax: +387 33 56 22 54, 21 34 80; Mob: +387 61 13 22 89; e-mail: esv@ks.gov.ba

Broj: 01-43-3-13/13
Sarajevo: 29.5.2013.godine

VLADA KANTONA SARAJEVO
Gosp. Suad Zeljković, premijer

MINISTARSTVO PRAVDE I UPRAVE
G-da. Velida Memić, ministrica

**PREDMET: Mišljenje o Načrtu zakona o izmjenama i dopunama
Zakona o Vladi Kantona Sarajevo -dostavlja se**

Ekonomsko socijalno vijeće za područje Kantona Sarajevo u skladu sa Uredbom o postupku i načinu pripremanja, izrade i dostavljanja propisa («Službene novine Kantona Sarajevo» broj: 21/11-Novi prečišćeni tekst, 30/11-Ispravka), na svojoj 43. sjednici održanoj 28.5.2013.godine, razmotrilo je Načrt zakona o izmjenama i dopunama Zakona o Vladi Kantona Sarajevo i na isti daje mišljenje kako slijedi:

1. Vijeće podržava donošenje zakona o izmjenama i dopunama Zakona o Vladi Kantona Sarajevo.
2. Vijeće sugerira predlagaču da u dijelu zakona koji se odnosi na način glasanja na sjednici Vlade, u smislu potrebnog broja glasova, razdvoji odluke prema značaju tako da predviđi odluke i druge akte koji se donose većinom od ukupnog broja članova Vlade.



Dostaviti:

- naslovu
- a/a

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj:08-03-02-15618
Sarajevo,27.05.2013.godine

30 - 05 - 2013

**MINISTARSTVO PRAVDE I UPRAVE
O V D J E**

PREDMET:Mišljenje
Veza:Vaš broj:03-07-02-15004/11 od 22.05.2013.

Ministarstvo finansija nema primjedbi na Prijedlog Zakona o izmjenama i dopunama Zakona o Vladi Kantona Sarajevo.

S poštovanjem,

MINISTAR
Muhamed Kozadra,dipl.ecc.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Bosna i Hercegovina
Federacija Bosne i Hercegovine

KANTON SARAJEVO
Ured za zakonodavstvo
Vlade Kantona Sarajevo



Bosnia and Herzegovina
Federation of Bosnia and Herzegovina

CANTON SARAJEVO
Office for legislature of Sarajevo Canton
Government

28-05-2013

07

Broj: 09-02-15614/13
Sarajevo, 24.05.2013. godine

27-05-2013

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Zakona o izmjenama i dopunama Zakona o Vladi Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Prijedlog Zakona o izmjenama i dopunama Zakona o Vladi Kantona Sarajevo uskladen je sa odredbama ustava i drugim propisima koji regulišu oblast funkcionsanja i rada Vlade Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

- Dostaviti:
 Naslovu
2. Evidencija
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba;
Tel/fax: + 387 (0) 33 560-448
Sarajevo, Hamida Dizdara 1



PRILOZI

USTAV KANTONA SARAJEVO

**(„Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97,
14/00, 4/01,28/04 i 6/13)**

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Član 27¹.

Konstitutivni narodi i pripadnici grupe Ostalih biće proporcionalno zastupljeni u Vladi.Takva zastupljenost će odražavati popis stanovništva iz 1991. godine do potpune provedbe Aneksa 7, u skladu sa članom IX.11a. Ustava Federacije Bosne i Hercegovine.

Kandidata za mjesto premijera Kantona imenuje predsjedavajući Skupštine u konsultaciji sa zamjenicima predsjedavajućeg.Kandidat za mjesto premijera Kantona predlaže ministre.Ministri nemaju zamjenike.

Ministri zajedno sa premijerom čine Vladu Kantona .

Vlada potvrđuje Skupština većinom glasova.

Vlada preuzima dužnost nakon potvrđivanja od strane Skupštine i davanja svečane izjave.

Sve odluke Vlade donose se prostom većinom glasova prisutnih koji glasaju.

Član 27a.²

Ministri odgovaraju premijeru Kantona i Skupštini.Premijer Kantona je također odgovoran Skupštini.

Ministri snose krajnju odgovornost za rad ministarstava kojima rukovode.

Vlada podnosi ostavku ako joj u bilo koje vrijeme Skupština izglosa nepovjerenje.

Član 29.

Premijer je nadležan za:

- a) provođenje kantonalne politike i izvršavanje kantonalnih propisa, uključujući i osiguranje izvršavanja odluka kantonalnih i federalnih sudova;

¹ Izmijenjen Amandmanom XXIX („Službene novine Kantona Sarajevo“, broj 28/04) (prethodno mu dodat stav 5. – ispravka-„Službene novine Kantona Sarajevo , broj 3/96 i mijenjan Amandmanom XVI-„Službene novine Kantona Sarajevo , broj 4/01)

² Dodat Amandmanom XXX („Službene novine Kantona Sarajevo“, broj 28/04)

- b) predlaganje i davanje preporuka iz oblasti kantonalnog zakonodavstva;
- c) iznošenje budžetskih prijedloga pred Skupštinu;
- d) predstavljanje i zastupanje Kantona u zemlji i inostranstvu³;
- e) zaključivanje ugovora i drugih akata kojima se preuzimaju prava i obaveze za Kanton, s tim da se za ugovore veće vrijednosti i ugovore iz oblasti međunarodne saradnje mora pribaviti saglasnost Skupštine, odnosno Parlamenta Federacije Bosne i Hercegovine i Parlamentarne skupštine Bosne i Hercegovine, u skladu sa Ustavom Federacije Bosne i Hercegovine;
- f) Podnošenje zahtjeva Ustavnom суду Federacije Bosne i Hercegovine za ocjenu ustavnosti i zakonitosti propisa;
- g) obezbjeđivanje saradnje sa organima Bosne i Hercegovine i Federacije Bosne i Hercegovine;
- h) odlučivanje o upotrebi policijskih snaga u posebnim okolnostima, kao što su neposredna ratna opasnost, ratno stanje i vanredne situacije izazvane prirodnim ili drugim katastrofama;
- i) druga pitanja utvrđena ovim Ustavom i zakonima Kantona⁴.

Član 30. stav (1)

Organizacija uprave

Organizacija Vlade utvrđuje se zakonom Kantona sukladno ovom Ustavu.

AMANDMAN XXIX

Član 27. mijenja se i glasi:

"Član 27.

Konstitutivni narodi i pripadnici grupe Ostalih bit će proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa 7, u skladu sa članom IX. 11a. Ustava Federacije Bosne i Hercegovine.

Kandidata za mjesto premijera Kantona imenuje predsjedavajući Skupštine u konsultaciji sa zamjenicima predsjedavajućeg. Kandidat za mjesto premijera Kantona predlaže ministre. Ministri nemaju zamjenike.

Ministri zajedno sa premijerom čine Vladu Kantona .

Vladu potvrđuje Skupština većinom glasova.

Vlada preuzima dužnost nakon potvrđivanja od strane Skupštine i davanja svečane izjave.

Sve odluke Vlade donose se prostom većinom glasova prisutnih koji glasaju."

ODREDBE ZAKONA KOJE SE MIJENJAJU ILI DOPUNJUJU:

³ Nove tač. d),e),f),g) i h) dodate Amandmanom XXXII („Službene novine Kantona Sarajevo“, broj 28/04)

⁴ Dosadašnje tačka d) postaje tačka i)-Amandman XXXII („Službene novine Kantona Sarajevo“, broj 28/04)

Zakon o Vladi Kantona Sarajevo
(„Službene novine Kantona Sarajevo“ broj 24/03 – Prečišćen tekst)

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi pred sjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, premijer se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

Član 11.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona.

Član 12.

Vlada Kantona imenuje i razrješava sekretara Vlade Kantona na prijedlog premijera. Sekretar Vlade odgovara za svoj rad premijeru Vlade i Vladi.

Član 29.

Vlada Kantona je dužna donijeti Poslovnik o svom radu u roku od 30 dana od svog konstituisanja.